

ILANNGUSSAQ 1: INUUSSUTISSARSIORFIMMI SULEQATIGIINNERMUT AAMMA KALAALLIT NUNAANNI NIUERNIKKUT ANINGAASALIINERNUT TUNNGATILLUGU KALAALLIT- DANSKIT SULEQATIGIISSITAASA SULIASSAAT

Kalaallit Nunaanni Aningaasaqarnermut Siunnersuisoqatigiit Kalaallit Nunaata ukiuni takkuttussani annertuunik aningaasaqarnikkut unammillerfissaqarnera tikkuarsimavaat. Kalaallit Nunaanni aatsitassanik erngullu nukinganik isumalluutit atorneri, suliniutinik angisuunik industriimik pilersitsineq il.il. siuarsarnermut suliffeqartitsinermullu, aammalu ungasissoq isigalugu aningaasaqarnermik assigiinngiaarnerusumik imminullu napatinnerusumik ilapittuuteqarsinnaasut Kalaallit Nunaanni Aningaasaqarnermut Siunnersuisoqatigiit erseqqissaavigaat. 2009-mit ataatsimoorussamik aatsitassarsiornermut uuliasiornermullu periusissiaq akuersissutaasimavoq, taannalu 2014-imit Naalakkersuisut ullutsinnut naleqqussarniarpaat. Naalakkersuisut siuarsarnermik politikkiannut aatsitassarsiorfiusup ineriartortinnera qitiusuuvoq. Taamatuttaaq Kalaallit Nunaanni aningaasaqarnikkut ineriartortitsinermut pinngortitamik isumalluutit atorneqarnissaannik ilapittuuteqarfiusutut *Kongeriget Danmarks Strategi for Arktis 2011-2020 (2011-2020-mi Issittumut Kunngeqarfiup Danmarkip Periusissia)* sammisaqartuuvoq.

Ilanngutissaaq Kalaallit Nunaata aamma Danmarkip akomanni annertusisamik inuussutissarsiorfiit suleqatigiinnera nunatsinni danskinilu inuussutissarsiorfiit ilaannut nutaanik inuussutissarsiornikkut periarfissiisinaanera.

Aatsitassarsiornermik suliaqarfimmik aamma erngup nukissiornermik isumalluutit atomissaannut tunngatillugu suliassaqarfimmik Namminersortutik Oqartussat tigusinikuupput, taamaattumillu suliassaqarfinni inatsisiliornikkut inatsisinillu atuutsitsinikkut pissaaneqartuullutik. Kalaallit Nunaanni aatsitassanik erngup nukinganullu isumalluutinik atuinerit naligiissumik niuerfigalugillu atugassatigut atuinerit, aningaasaliisartunut imaluunniit nunamut aningaasaliisumut ataasiakkaat arlaannaannulluunniit immikkut ittunik iluaqutissartaligaanatik pisarnissaat Naalakkersuisut politikkerat.

Tamanna tunngavigalugu Naalakkersuisut aamma naalagaaffeqatigisap suleqatigiissitat pilersippaat, namminersornermut aqqiissutaasumut sinaakkutaasut iluini Kalaallit Nunaanni Danmarkimilu inuussutissarsiorfiup iluani niuernikkut suleqatigiinnermik siuarsaasussanik, aammalu niuernikkut atugassaqarfiusuni Kalaallit Nunaanni inuussutissarsiorfiup ineriartortinnissaanut ilorraap tungaanut ilapittuisinnaasunik siunnersuutinik saqqummiussaqtussat.

Anguniagaq tassaavoq Kalaallit Nunaanni niuernerpalaartunik aningaasaliisarnerit annertunerusut pilersinnissaat.

Tamanna ilaatigut pissaaq niuernerpalaartumik atugassaqluni Kalaallit Nunaanni inuussutissarsiorfinnik aningaasaliinernut aporfissat suussusersinerisigut.

Ilanngullugu Kalaallit Nunaanni aningaasaliinissamut periarfissaasunik suleqatigiissitat, inuussutissarsiorfinni pingaarutilittut illua'tungerisat suleqatigalugit sianigineqalersitsissapput, ilanngullugit nunatsinni pinngortitami isumalluutaasuni, Kalaallit Nunaanni aningaasaliisartunik ataatsimeersuartsinerup piareersarlugulu atugassalersugaaneratigut.

Suleqatigiissitat ataatsimoorussamik Inuussutissarsiornermut Aatsitassaqaqarnermullu Naalakkersuisumit aamma erhvervs- og vækstministerimit pilersinneqarput. Suleqatigiissitat inuttaraat Inuussutissarsiornermut, Aatsitassaqaqarnermut Suliffeqaqarnermullu Naalakkersuisoqarfimmit aamma Erhvervs- og Vækstministereqarfimmit atorfilittat. Nunatsinni danskinilu inuussutissarsiornermi kattuffinnit illua'tungerisanillu pingaarutilinnit allanit isummanik suleqatigiissitat ilanngussuisinnaapput.

2014-imi aasalersinnagu suleqatigiissitat nalunaarusiartik Naalakkersuisunut naalagaaffeqatigisamullu tunniutissavaat. Suleqatigiissitat suliaqarnerannut atatillugu Naalakkersuisut aamma naalagaaffqatigisap namminneq aningaasartuutitik akilertassavaat.